

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-79/25
Mostar, 27.1.2025. godine

IZVOD IZ ZAPISNIKA
sa pete (V) vanredne sjednice Skupštine
Hercegovačko-neretvanskog kantona

Sjednica je održana dana 27.1.2025. u sali Skupštine Hercegovačko-neretvanskog kantona u Mostaru s početkom rada u 10:30 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici sindikata HNK, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Ispred Kolegija Skupštine HNK predsjedavajući Skupštine HNK predložio je dopunu dnevnog reda sjednice Skupštine HNK sa slijedeće 2. tačke:

1.a) Odluka o prestanku mandata poslanice u Skupštini HNK,

b) Odluka o verifikaciji mandata poslanice u Skupštini HNK,

2. Odluka o izmjeni i dopuni Odluke o izboru predsjednika, zamjenika predsjednika i članova radnih tijela skupštine HNK

Otvorena je diskusija.

U diskusiji nije nitko učestvovao.

Obavljeno je glasanje o predloženoj dopuni dnevnog reda.

Nakon glasanja konstatovano je da je jednoglasno prihvaćena dopuna dnevnog reda.

Dnevni red sa dopunom:

1.a) Odluka o prestanku mandata poslanice u Skupštini HNK,

b) Odluka o verifikaciji mandata poslanice u Skupštini HNK,

2. Odluka o izmjeni i dopuni Odluke o izboru predsjednika, zamjenika predsjednika i članova radnih tijela skupštine HNK,

3. Informacija ministarstva obrazovanja nauke, kulture i sporta u osnovnim i srednjem obrazovanju s prijedlogom mjera

1. a) Odluka o prestanku mandata poslanice u Skupštini HNK,

b) Odluka o verifikaciji mandata poslanice u Skupštini HNK,

Predsjedavajući Skupštine HNK dao je obrazloženje na navedene tačke.

- a) Odluka o prestanku mandata poslanice u Skupštini HNK

Član 1.: Ivi Raguž, poslanici u Skupštini Hercegovačko-neretvanskog kantona, izabranoj na Općim izborima 2022. godine sa liste političkog subjekta **HDZ BIH, HSP BIH, HDU, HSP AS, HRAST, HSP HB** utvrđuje se prestanak mandata.

Član 2.: Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Otvorena je diskusija.

U diskusiji nije nitko učestvovao.

Obavljeno je glasanje o navedenoj Odluci.

Nakon glasanja konstatovano je da je navedena Odluka jednoglasno usvojena.

1. b) Odluka o verifikaciji mandata poslanice u Skupštini HNK

Član 1.: Verifikuje se mandat poslanici u Skupštini Hercegovačko-neretvanskog kantona i to:

STANI BURIĆ - HDZ BIH, HSP BIH, HDU, HSP AS, HRAST, HSP HB

Član 2.: Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Otvorena je diskusija

U diskusiji nije nitko učestvovao.

Obavljeno je glasanje o navedenoj Odluci.

Nakon glasanja konstatovano je da je navedena Odluka jednoglasno usvojena.

2. Odluka o izmjeni i dopuni Odluke o izboru predsjednika, zamjenika predsjednika i članova radnih tijela skupštine HNK

Predsjedavajući Skupštine HNK dao je obrazloženje na navedenu Odluku.

Član 1.: Odluka o izboru predsjednika, zamjenika predsjednika i članova radnih tijela Skupštine Hercegovačko-neretvanskog kantona broj: 02-01-141/23 od 9.11.2023. godine („Službene novine Hercegovačko-neretvanskog kantona“, broj 13/23), član 1.mijenja se i glasi na način:

Tačka 4. mijenja se i glasi

Razrješava se predsjednica Komisije za izbor i imenovanje Ivana Buntić-Jovanović.

Za predsjednicu Komisije za izbor i imenovanje izabrana je Stana Burić.

Član 2.: Tačka 9. mijenja se i glasi

Razrješava se član i zamjenik predsjednika Komisije za zdravstvo, rad, socijalnu politiku, izbjegle i raseljene Iva Raguž.

Za člana i zamjenika predsjednika Komisije za zdravstvo, rad, socijalnu politiku, izbjegle i raseljene izabrana je Stana Burić.

Član 3.: Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenoj Odluci.

Nakon glasanja konstatovano je da sa 25 glasova „Za“, 1 glas „Protiv“ i 2 „Suzdržana“ glasa usvojena navedena Odluka.

3. Informacija ministarstva obrazovanja nauke, kulture i sporta u osnovnim i srednjem obrazovanju s prijedlogom mjera

Obrazloženje su dali Marija Buhač, predsjednica Vlade HNK, Adnan Velagić ministar, Adnan Velagić ministar prosvjete, znanosti, kulture i športa u Vladi HNK, i predstavnik sindikata.

Otvorena je diskusija.

U diskusiji su učestvovali: Oliver Soldo, Omer Hujdur, Ivan Odak, Mirko Vasilj, Arman Zalihić i Vesna Šunjić.

Usljedila je **pauza**.

Nakon **pauze** predsjedavajući Skupštine HNK obavijestio je poslanike da će po 5 minuta svakom predstavniku sindikata biti omogućeno da da obrazloženje a vezano za tematiku osnovnog i srednjeg obrazovanja s prijedlogom mjera, dakle 4 predstavnika sindikata, 2. za osnovno i 2. za srednje obrazovanje.

Nakon obrazloženja od predstavnika sindikata otvorena je diskusija.

U diskusiji su učestvovali: Omer Hujdur, Danijela Mišura, Zoran Krešić, Oliver Soldo, Arman Zalihić, Slavko Bilić, Vesna Šunjić, Damir Džeba, Harun Kurtović, Ivan Odak, Marija Bošković, Mirko Vasilj, Ivana Buntić-Jovanović, Salmir Kaplan, Josip Grbavac, Stana Burić, Tomislav Martinović, ministar Velagić i predsjednica Vlade HNK Marija Buhač.

Usljedila je pauza od 30 minuta.

Nakon stanke predsjedavajući skupštine HNK predložio je slijedeće Zaključke:

I

1. Zadužuje se Vlada HNK, da u skladu sa finansijskim mogućnostima nastavi aktivnosti na poboljšanju standarda zaposlenih u osnovnim i srednjim školama;
2. Zadužuje se Vlada HNK i Skupština HNK, da žurno pristupe donošenju Zakona o osnovnom odgoju i obrazovanju, te da po donošenju Zakona pristupi izradi potrebnih podzakonskih akata;
3. Zadužuje se Vlada HNK da nastavi i intenzivira aktivnosti na izradi novih nastavnih planova i programa – Kurikularna reforma;
4. Kod izrade nastavnih planova i programa voditi računa o rasterećenju učenika;
5. Ojačati ulogu Zavoda za školstvo i Pedagoškog zavoda te osigurati materijalno-tehničke pretpostavke za njihovo efikasno funkcionisanje;
6. Izvršiti nabavku IT opreme, koja je pretpostavka za uvođenje nastavnih metoda i ispunjavanju preduslova za proces digitalizacije;
7. U cilju boljih sigurnosnih uslova u školama, uvesti sigurnosni elektronski sustav;
8. Strategijom digitalizacije Kantona obuhvatiti i digitalizaciju svih procesa u školstvu;

9. Zadužuju se Vlada HNK i Skupština HNK, da žurno pristupe donošenju Zakona o općem, srednjem odgoju i obrazovanju, uključujući i donošenje potrebnih podzakonskih akata;
10. Osnažiti prakse u srednjim i strukovnim školama;
11. Otklanjanje arhitektonski barijera u školama u cilju pomoći učenicima sa poteškoćama u razvoju;
12. Pokrenuti aktivnosti na utemeljenju centara izvrsnosti;
13. Informacija o stanju u osnovnom i srednjem obrazovanju sa poduzetim mjerama, razmatrati će se najmanje jednom godišnje na sjednici Skupštine HNK;
14. Pri realizaciji ovih Zaključaka, Vlada HNK i Skupština HNK će pristupiti u realnim rokovima i bez odlaganja.

II

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenom Zaključku.

Nakon glasanja konstatirano je da je sa 19 glasova „Za“, 0 „Protiv“ i 4 „Suzdržana“ glasa usvojen navedeni Zaključak.

Sjednica je završila s radom u 15:30 sati.

PREDSJEDAVAJUĆI

Džafer Alić